

տանէն Ռուստաց, քանզի ի Եւրօբա[յ] երբեմն վճիռ հատանեն զմի ի հազարից, բայց ի Ռուստաց՝ եւ ոչ մի:

— Նախ պատմեցին ինձ, թէ այր ոմն աւուանի աւագակ՝ Ճանձայ խաբանօղ, ըմբռնի երկիցս եւ խրատի: Բայց մինչ ըմբռնի ի երրորդումն, կամին մահացուցանել, քանզի այնպէս սահման կայ ի միշի նոցա, որ յերբոր ըմբռնէ գողն, առաջի անգամն ձաղեն օղն նորա եւ թողուն, երկրորդ անգամն հատանեն զմէկ դիու պինչն, բայց երրորդ անգամն մինչ ըմբռնին զնայ, այնժամ մահացուցանեն: Նմանապէս այս աւագակն մինչ ըմբռնեցաւ երրորդ անգամն, հրամայեցաւ մահացնել: Իբրեւ լաւ աւագակն այն վճիռն, կոչեց լուեւայն զգպիրն ատենին, որոյ ձեռին էր յիւր բանն, խոստացաւ տալ նմա 40 Ֆլօրի, եթէ ազատիցէր զինքն ի մահուանէ: Յանձն առէր գպիրն ի լուսանալ առաւօտուն հանից ի բանտէն այլ իմն բանտարգեալ եւ տաւաւ կախեց ի փայտէ եւ արծակեց զաւագակն:

Հ. Որպէ՞ս ճանաչեն, թէ երկրորդ անգամ բռնված է գողն այն, որ ի երրորդին մահացնեն զնայ:

Պ. Առաջի անգամ, որ ձաղի սպի վիրացն երեւի ի վերայ օղանն, երկրորդն, որ նշանն երեւի ի վերայ ուրնգոյն պնշաց:

Հ. Զիտ՞րդ կարէ երեւիլ ի վերայ յօղանն զսպի ձա/215b/ղանացն, ալա անհաւատալի է:

Պ. Միթէ կարծես, թէ նոցա ձաղն նմանի ձիու կամ այլոց ազգաց ձաղի նման, որ ոչ երեւցի զսպի վիրացն, ո՛չ: Նոցա ձաղն կաշի, երկու մատ լայն եւ երեք տակի, յերբոր կամենան ձաղիլ այրոք, նախ մերկացնեն այրն եւ հանեն զթեւերի խաղն ի թիկանց ոսկերին եւ դուրս ցգեն ի տեղւոյն եւ պրկեալ զերկու ձեռն կախեն ի բարցանց եւ զյոտն պրկեն ի գետնի. առնու դահիճն զիւր խարազանն ձաղին եւ հեռանայ անտի արշալմամբ գայ, մինչ մերց լինի, ցաթկէ ի վեր եւ երկու ձեռամբ ուժգին բախմամբ հարու ի վերայ թիկանցն ամենայն զօրութենէ իւրմէ ըստ լայնութեան խարազանին: Առնու կաշին մարդուն ի թիկանցն եւ յիշանէ մինչ ի տափողքն առնն, ապա այժմ տես, թէ այս-

պիսի վիրաց սպին կարէ անյայտանալ. այս կերպիւ 26 մինչ ի 32 անգամ հարուն՝ ըստ գործոցն շարութեան գողին:

Հ. Այժմ հաւատացի, որովհետեւ այնպէս է երեւի սպին եւ ոչ կարի աներեւութանալ, բայց ասայ ինձ, թէ այն անիրաւ գպիրն զիտ՞րդ իշխեց զայն գործ գործել վասն փոքր ինչ դրամից եւ ոչ երկեաւ, թէ յիմացվի:

Պ. Յերբոր աւագակն այն դարձեալ ժողովեց ի վերայ յիւր զցրուեալ զօրքն եւ սկսեց ըստ առաջնոյն կտրել զերթեւեկութիւն ճանապարհաց, այնժամ յիմացան եւ մինչ սկսեցին քննել եւ յիմանալ զպատ/216a/ճառն, այնժամ փախաւ զգպիրն:

Հ. Այս ալապէս լինելոց էր, գիտեմ, ես այս ոչ հարցանեմ ի քէն, այլ զայն զարմանամ, թէ յերբոր կախեցան այն միւս բանտարգելեալն ի տեղի աւագակին, անդ ո՞չ ոք ճանաչեց, թէ կախվօղն ոչ էր այն աւագակն, այլ այլ ոք:

Պ. Նոքայ, որ գողն կախեն ոչ ունին ծես ըստ այլոց ազգաց, որ կախեն ցիւր հանդերձօվն, յոչ այլ այսպէս սահման ունին, մերկացնեն այրն եւ ազուցանեն մէկ նոր սպիտակ շապիք եւ նոր վարտիս եւ մէկ կտոր սպիտակ վարշամակ ծածկեն ի վերայ գլխոյն եւ դիմացն, որպէս որ քող եւ ապա թէ չուվանի օղն անցուցանեն ի վիզն եւ կախեն: Որ ոչ երեւի յերես առնն եւ որ ոչ գոյ հանդերձ, զի ճանաչիցի, որպէ՞ս կամիս թէ ճանաչի: Գիշերօվ հանեց այրն եւ տարաւ կախեց, առաւօտն տեսին այրն կախած, կարթացին թուղթն պատճառաց, տեսին անունն աւագակին եւ անցան:

Հ. Այս ալապէս կարէ լինիլ, [հ]աւատացի, բայց այն անմեղ այրն, որ կախեցաւ, տէր չունէ՞ր, որ որոնէր, թէ զիարդ եղես այրն:

Պ. Զարմանամ, որ ըստ օրինացն ձերոց ոչ յիմանաս նոցայն, այլ աշխատիս հարցանել եւ զիս մղես ի աշխատանն, ոյք էն տիարքն կապելոցն, որք գան ի որոնել այս մէկ տարեւն կամ երկու տարեւն բան չէ, օվ գիտէ 10, 20, թէ երեսուն օրարվան էր բանտարգեալն այն, որ տարաւ կախեց փոխա/216b/նակ աւագակին, քանզի անթիւք են բանտարգեալքն, որոց ոչ